



## CHARLES LE GROS, Empereur d'Occident.

*Le front environné d'un triple Diadème,  
Je me vis le brillans d'une haute splendeur,  
Mais un soupçon m'ayant égaré de moy-même,  
Je mourus malheureux sous la loy d'un tuteur.*

879.  
Frisin.  
Sigeb.  
Regin.

**T** O U S les Estres de ce bas monde estans sujets à divers changemens, nous font voir en une mesme cause tant de differents effets, que ce qui estois hier l'objet de nostre amour, est aujourd'huy celui de nostre haine. La naissance de Charles dans un berceau de pourpre, & sa mort sur un fumier, s'offrent fort à propos pour appuyer ce discours. Il estoit fils de Louis le Germanique, & petit fils de Louis le Debonnaire. La mort de Louis le Begue, dont il avoit esté fait compagnon pendant sa vie, par le Pape lean VIII. le rendit seul possesseur de l'Empire. Si tost qu'il en eut appris la mort, il fut à Rome,


où après s'estre fait declarer seul Em-  
 pereur, il vint en France pour en chal-  
 ser les Normans, qui pour lors assie-  
 geoient Paris, & pour en recevoir la  
 Couronne, iusqu'à ce que Charles le  
 Simple fut en âge de la porter, ainsi  
 qu'il avoit esté ordonné par son pere  
 en mourant. Après qu'il eut fait le-  
 ver le siege aux Normans, il se fit  
 couronner Roy de France; ensuite de-  
 quoy voulant les attirer à son service,  
 il leur accorda la paix, qui toutefois  
 fut feinte de son costé, comme il fit  
 voir peu de temps après: car ayant fait  
 prendre en trahison Godefroy & Hu-  
 gues, leurs deux plus grands Princes,  
 il fit massacrer l'un, & crever les yeux  
 à l'autre: action qui fut autant detestée  
 des François, qu'elle fut en horreur aux  
 Normans, qui pour leur en venger  
 prirent les armes contre luy, & luy fi-  
 rent une cruelle guerre, où ayant per-  
 du plusieurs batailles, il fut contraint  
 de leur demander la paix, qui luy fut  
 accordée, aux conditions qu'il leur don-  
 noit la Neustrie, province située sur  
 la coste de la mer d'Angleterre, qui de-  
 puis fut appelée Normandie, & outre

84 CHARLES LE GROS  
cela un tribut annuel. Il fit toutes ces choses sans en rien communiquer à son Conseil, lequel indigné de sa mauvaise conduite, & du mépris qu'il en faisoit, fit soulever son peuple contre luy, qui pour se venger de la peine qu'il luy avoit fait par son mauvais gouvernement, le déposseda de ses Estats, & le mit sous la tutelle d'Arnoul, ainsi qu'on eut fait un enfant. Il est vray que la jalousie qu'il avoit conçue de sa femme Richarde qu'il crût luy estre infidele, luy altera beaucoup le jugement. Enfin ce pauvre Prince, qui s'estoit veu maistre de trois Couronnes; sçavoir celles d'Italie, de France, & d'Allemagne, & honoré du titre d'Empereur, se vit chasser de son Palais, & reduit à passer le reste de sa vie dans un petit village de Suaube, où il vécut & mourut en tres-grande nécessité, nous faisant voir par son desastre, que les grandeurs en peu de temps s'abaissent, & qu'il n'est rien dans le monde qui ne soit sujet à divers changemens. Cette disgrace luy arriva l'an de nostre Seigneur 888. ayant regné seul sept ans & six iours.

Sa devise est telle :

*Os garrulum intricat omnia.*

Vn causeur est capable de tout embrouïller.



## LEON LE PHILOSOPHE

### Empereur d'Orient.

*Dieu m'ayant retiré d'une affreuse prison,  
Où j'attendois pour fin vne sanglante catastrophe,  
le gouvernay les Grecs avec tant de raison,  
Que j'en fus surnommé l'Empereur Philosophe.*

**D**IEU autant ennemy des coupables, qu'il est protecteur des innocens, retira ce Prince d'un danger si eminent, qu'inafailliblement il auroit perdu la vie sur un infame échafaut, sans le secours de son infinie providence. Il devoit sa naissance à l'Empereur Basile, qui le fit couronner pendant sa vie, après l'avoir fait sortir d'un ignominieux cachot. Son pere l'ayant fait instruire de plusieurs sciences, & particulierement de l'Astrol.

886.  
Zonares  
Egnace